

COVID-19 AK VWAYAJ



Tès COVID-19 mwen an te pozitif. Kilè mwen ka vwayaje?

Si w gen sentom COVID-19, ou sipoze izole w san danje lakay ou oswa nan yon otèl pou omwen 10 jou apre sentom ou yo kòmanse. Sentom COVID-19 yo gen ladan yo fyèv, frison, tous, souf kout, difikilte pou respire, fatig, doulè nan misk oswa nan kò, tèt fè mal, pa pran gou oswa pa pran sant sanzatan, gòj fè mal, nen bouche, nen k ap koule, anvi vomi, vomisman, oswa dyare. **Ou sipoze anile nenpòt vwayaj ou ta pwograme pandan moman sa.** Ou ka vwayaje apre 10 jou si w pa t gen lafyèv pandan 24 è (san w pa pran medikaman pou lafyèv) epi si sentom ou yo te amelyore tou.

Si w pa gen sentom COVID-19, ou sipoze izole w san danje lakay ou oswa nan yon otèl pou omwen 10 jou apre ou fin pase tès COVID-19 ki pozitif la. **Ou sipoze anile nenpòt vwayaj ou ta pwograme pandan moman sa a.** Si w devlope sentom COVID-19 la pandan 10 jou sa yo, suiv gid pou moun ki gen sentom yo.

Èske mwen ka vwayaje pi bonè si mwen repase tès la ankò epi rezilta tès mwen an negatif?

Non. Yon rezilta negatif ke yon dezyèm tès bay pa chanje lè ou sipoze vwayaje a. Ou sipoze izole w san danje lakay ou oswa nan yon otèl pou 10 jou omwen apre ou fin pase yon tès COVID-19 ki pozitif. Si w gen sentom, ou sipoze rete lakay ou oswa nan yon otèl pou omwen 10 jou apre premye sentom lan kòmanse.

Tès COVID-19 mwen an negatif men m ap vwayaje ak yon moun ki gen tès li ki pozitif. Èske m ap ka toujou vwayaje?

Non, ou pa ka vwayaje epi ou sipoze ranvwaye vwayaj ou a pou omwen 11 jou.

Si w pase 10 minit oswa plis nan mwens pase sis pye bò kote yon moun ki gen tès COVID-19 li ki pozitif, ou gen risk pou w trape COVID-19. Pou w pwoteje moun ki nan antouraj ou, ou sipoze izole w san danje lakay ou oswa nan yon otèl pou 10 jou apre w fin gen yon kontak sere ak moun k ap vwayaje avè w la.

Kòman mwen ka jwenn yon chanm otèl gratis pou mwen izole m san danje?

NYC Test & Trace Corps ofri chanm otèl gratis bay nenpòt moun oswa vizitè ki bezwen mete kò yo apa san danje nan Vil Nouyòk. Pou plis enfòmasyon, rele nan 212-COVID19 (212-268-4319).

Mwen pa gen asirans sante oswa yon founisè swen sante nan Vil Nouyòk. Kote mwen ka jwenn èd medikal?

Ou ka rele nan 844-NYC-4NYC (844-692-4692) pou w pale ak yon founisè swen sante, kenenpòt estati imigran ou ta genyen oswa posibilite pou w peye.

Pou plis enfòmasyon, al gade nan [testandtrace.nyc](https://testandtrace.nyc.gov) oswa rele nan **212-COVID19**.

NYC
HEALTH+
HOSPITALS



KISA OU KA FÈ POU W KONBAT COVID-19

TÈS




Konnen kondisyon w. Pran tè s COVID-19 la san ou pa bezwen peye anyen.

RETRASE



Reponn apèl Pwofesyonèl ki la pou retrase kontak yo pou ede w kanpe pwopagasyon COVID-19 la nan kominote w la.

PRAN SWEN



Izole w an sekirite pou w pwoteje lòt yo ak pran swen w nan yon otèl oswa nan kay.

NYC Test & Trace Corps angaje l pou l pwoteje konfidansyalite ak sekirite enfòmasyon pèsònèl ak sante w. Tout enfòmasyon nou resevwa yo konfidansyèl epi pwoteje dapre Kòd Sante Vil Nouyòk la. Test & Trace Corps pa pral poze okenn kesyon sou sityasyon imigrasyon pèsòn.

NYC
HEALTH+
HOSPITALS

 Test & Trace
Corps